


755
04268



全唐詩話小引



宋尤文簡公自述

余少好詩癖歲在甲午奉
祠湖曲日與四方勝游專
意吟事大槩與唐人詩誦

之尤習間又褒話錄之纂
記益朋友之見聞彙而書
之名曰全唐詩話未幾驅
馳于外此事便廢爾來三
十有八年矣今又蒙恩便

養湖曲因理故篋復得是
編披覽慨然恍如疇昔浩
歌縱談時也唐自貞觀來
雖尚有六朝聲病而氣韻
雄深駸駸古意開元元和

之盛遂可追配風雅迨會
昌而後刻露靡盡矣往往
觀世變者於此有感焉徒
詩云乎哉咸淳辛未重陽
日遂初堂書

刻全唐詩話序

蓋聞六詩六漁二儀所以宣
音五變五聲萬象絃其立戶
迨乎殷周已遠雅頌云已桂
擢湘歌柏梁漢詠蜂腰鶴膝
慨江左之風雲龍見鳥瀾侈

瀛洲之鼓吹遂使人稱文豹
家握靈蛇太平天子長中黃
竹之德薄家姓好亦著齊紈
之賦樹義烏之赤喉噉矢東
南振巴蜀之彩毫臨軒西北
業高王至藻暹錢劉白太傅

詞貧雖并張文成名激驚夢
皆蘭臺之墨妙極蔡邕之文
英降自髡髮老僧各據玄况
綠眉少婦並寫幽情雖復時
美星移人分月旦研考之林茂
鄧井繁條六成雲棟壁輝玄

言言
圃碎礫，每非夜光。洵風騷之
伯仲音律之鼻祖也。有宋尤
文簡先生，逝稽藝苑，廣擷遺
珠，彙成一書，名爲詩話。事隨
文載，人以每分。溯源貞觀之
初，溫觔龍紀之季，黃扉白屋
咸締其宏章，夕秀朝華，盡臚
于縹帙。或采高深之韻，或陳
覲縷之情。叙以恢者，涕灑長
楸。致聞曠者，神飛姑射。累牘
則言之，披鐫單詞則字之。鑄
金擊節，而宮商爭響。長吟而

言言
跋踏傾聽至於滑稽諧詼之
語用資噴抃翫齷齪之詞
致叢覆輒大言小言瑣瑤之
象莫掩無殺無譽誇醜之態
自昭以稱味味共仰尚方三
乘異派鈞歸法界誠可以羽

翼百家解頤子襍矣乃若綺
績瀕紛一斑巨壑登蹄神化半
倡有餘搃之玄山之黍醞之成
醪若耶之銅鍛之為劍降臨
未善必呈技於秦青紀射雉
精猶取能於飛衛觀是編者

可砥之為駢拇為弁髦已哉
你不佞承隱侯之緒風志雕
龍慕季良之風恐乾畫扁建
安吏隱退惟筆研之文雲水
書生不療文章之癖偶披蒼
帙寔殺赤心愧同鴻寶秘淮
南之枕中銘敘春秋挂咸陽
之市上庶使當年先達無仄
苦衷凡豕後生興懷泣哲云

省

萬曆戊申陽月朔日吳興鄒
殊永甫沈傲恂書於建南

公署之朗日軒



尤文簡公諱袤無錫人紹興進士

宋孝宗嘗曰如卿才識近世罕有累官至

禮部尚書謚文簡

全唐詩話目錄

卷一

太宗

高宗

中宗

玄宗

德宗

文宗

宣宗

昭宗

武后

徐賢妃

上官昭容

孔紹安

虞世南

魏徵

李百藥

長孫無忌

王勃

馬周

李義府

杜淹

蘇味道

駱賓王

陳子昂

李日知

李景伯

崔融

李適

徐彥伯

李嶠

蘇頲

沈佺期

李行言

張元一

劉希夷

張敬忠

張說

宋璟

王灣

姚崇

趙仁獎

金昌緒

張九齡

王維

王縉

賀知章

李嘉祐

張均

王諲

孟浩然

陶峴

王昌齡

李清

韓滉

王之渙

全唐詩話目錄

全唐詩話卷之一

太宗

貞觀六年九月帝幸慶善宮帝生時故宅也
因與貴臣宴賦詩起居郎請平宮商被之
管絃命曰功成慶善樂使童子八佾為九
功之舞大宴會與破陣舞偕奏於庭
帝嘗作宮體詩使虞世南賡和世南曰聖作
誠工然體非雅正上有所好下必有甚焉
恐此詩一傳天下風靡不敢奉詔帝曰朕



原件短缺

2-3

試卿爾後帝爲詩一篇述古興亡旣而嘆
曰鍾子期死伯牙不復鼓琴朕此詩何所
示耶敕褚遂良即世南靈座焚之

貞觀二十年秋帝幸靈州時破薛延陀回紇
諸部遣使入貢乞置官司上爲詩序其事
曰雪耻酬百王除凶報千古公卿請勒石
於靈州從之

高宗

太平公主武后所生后愛之傾諸女帝擇薛
紹尚之假萬年縣爲婚館門隘不能容翟
車有司毀垣以入自興安門設燎相屬道
樾爲枯當時群臣劉禕之詩云夢梓先青
陛穠桃藹紫宮元萬頃云離元應春夕帝
子降秋期任奉古云帝子升青陛王姬降
紫宸郭正一云桂宮初服冕蘭掖早生筭
皆納妃出降之意也

中宗

九月九日幸臨渭亭登高作云九日正乘秋

三杯興已周泛桂迎罇滿吹花向酒浮長
房萸早熟彭澤菊初收何藉龍沙上方得
恣淹留時景龍三年也序云陶潛盈把既
浮九醞之歡畢卓持螯湏盡一生之興人
題四韻同賦五言其最後成罰之引滿
韋安石得枝字云金風飄菊蕊玉露泫

萸枝

蘓瓌得暉字云息深答效淺留醉奉宸
暉

李嶠得歡字云令節三秋晚重陽九日
歡

蕭至忠得餘字云寵極萸房遍息深菊
醉餘

竇希珍得明字云九辰陪聖膳萬歲奉
承明

韋嗣立得深字云願陪歡樂事長與歲
時深

李迥秀得風字云霽雲開曉日仙藻麗

秋風

趙伯彥得花字云簪挂丹萸藥杯涵紫
菊花

楊廉得亭字云遠日瞰秦垆重陽坐灞
亭

岑羲得溪字云爰豫矚秦垆昇高臨灞
溪

盧藏用得開字云莫依珮裏發菊向酒
邊開

李咸得直字云菊黃迎酒泛松翠凌霜
直

閻朝隱得筵字云簪紱趨皇極笙歌接
御筵

沈佺期得長字云臣歡重九慶日月奉
天長

薛稷得曆字云願陪九九辰長奉千千
曆

蘓頲得時字云年數登高日延齡命賞

時

李又得濃字云捧篋萸香遍稱觴菊氣
濃

馬懷素得酒字云蘭將葉布席菊用香
浮酒

陸景初得臣字云登高識漢苑問道侍
軒臣

韋元旦得月字云雲物開千里天行乘
九月

李適得高字云禁苑秋光入宸遊霽色
高

鄭南金得日字云風起韻虞絃雲開吐
堯日

于經野得樽字云桂筵羅玉俎菊醴溢
芳樽

盧懷慎得還字云鶴似聞琴至人疑宴
鎬還是宴也韋安石蘓瓌詩先成于
經野盧懷慎最後成罰酒

十月帝誕辰內殿宴群臣潤色鴻業寄賢才
帝云叨居右弼媿鹽梅李嶠運籌帷幄
時來宗楚客職掌圖書濫蓬萊劉憲兩司
謬忝謝鍾裴崔湜禮樂銓管效塵埃鄭愔
陳師振旅清九垓趙彥昭忻承顧問侍天
杯李適銜恩獻壽栢梁臺蘓頲黃縑青簡
奉康哉盧藏用宗伯秩禮天地開薛稷帝
歌難續仰昭回宋之問微臣捧日變寒灰
遠慙班左愧遊陪上官婕妤帝謂侍臣曰
今天下無事朝野多歡欲與卿等詞人時
賦詩宴樂可識朕意不須惜醉大學士李
嶠宗楚客等跪奏曰臣等多幸同遇昌期
謬以不才策名文館思勵駑朽庶裨河嶽
旣陪天歡不敢不醉此後每遊別殿幸離
宮駐蹕芳苑鳴笳仙禁或戚里宸筵王門
卷席無不畢從

景龍四年正月五日御大明殿會吐蕃騎馬
之戲因重爲柏梁體聯句帝曰大明御宇

臨萬方皇后曰顧慚內政翊陶唐長寧公主曰鸞鳴鳳舞向平陽安樂公主曰秦樓魯館沐恩光太平公主曰無心爲子輒求郎溫王重茂曰雄才七步謝陳王昭容上官曰當熊讓輦愧前芳吏部侍郎崔湜曰再司銓管息何忘著作郎鄭愔曰文江學海思濟航考功員外郎武平一曰萬邦考績臣所詳著作郎閻朝隱曰著作不休出中腸時上疑御史大夫竇從一將作大匠宗晉卿素不屬文未郎令續二人固請許之從一曰權豪屏跡肅嚴霜晉卿曰鑄鼎開嶽造明堂此外遺忘時吐蕃舍人明悉獵請令授筆與之曰玉醴由來獻壽觴上大悅賜與衣服

玄宗

左丞相說右丞相璟太子少傅乾曜同上官命宴東堂賜詩云赤帝收三傑黃軒舉二臣由來丞相重分掌國之鈞我有握中璧

雙飛席上珍子房推要道仲子訝風神復
輟台衡老將爲調護人鷓鴣同拜日車騎
擁行塵樂聚南宮宴觴連北斗醇俾予成
百揆垂拱問彝倫

開元十六年帝自擇廷臣爲諸州刺史許景
先治號州源先裕鄭州寇泚宋州鄭溫琦
邠州素仁恭杭州崔志廉襄州李昇期
州鄭放定州蔣挺湖州裴觀滄州崔成遂
州凡十一人行詔宰相諸王御史以上祖

道洛濱盛具奏太常樂帛舫水嬉命高力
士賜詩令題座右帝親書且給筆紙令自
賦賚絹三千遣之

帝詩云眷言思共理鑒寐想惟良猗歎
此推擇聲績著周行賢能旣俟進黎獻
實佇康視人當如子愛人亦如傷講學
試誦論阡陌勸耕桑虛譽不可飾清知
不可忘求名跡易見安直德自彰獄訟
必以情教民貴有常恤惇且存老撫弱

復綏強勉哉各祇命知予眷萬方

德宗

正元四年九月賜宴曲江亭帝爲詩序曰朕
在位僅將十載實賴忠賢左右克致小康
是以擇三令節錫茲宴賞俾大夫卿士得
同歡洽也夫共其戚者同其休有其初者
貴其終咨爾群僚順朕不暇樂而能節職
思其憂咸若時則庶乎理矣因重陽之會
聊示所懷詩云

早衣對庭燎躬化勤意誠時此萬機暇
適與佳節并曲池潔寒流芳菊含金英
乾坤爽氣澄臺殿秋光清朝野慶年豐
高會多歡聲永懷無荒戒良事同期情
因詔曰卿等重陽會宴朕想歡洽欣慰
良多情發于中因製詩序令賜卿等一
本可中書門下簡定文詞士三五十人
應制同用清字明日內於延英門進來
宰臣李泌等雖奉詔簡擇難於取舍由

是百僚皆和上自考其詩以劉太真及
李紆等四人爲上等鮑防于邵等四人
爲次等張濛殷亮等二十三人爲下等
而李晟馬燧李泌三宰相之詩不加考
第

韋綬以內相感心疾罷還第帝九日作黃菊
歌顧左右曰安可不示韋綬遣使持往綬
遂奉和附使進帝曰爲文不已豈願養耶
敕曰自今勿復爾

裴度拜中書令以疾未任朝謝上巳曲江賜
宴群臣賦詩帝遣中使賜度詩曰注想待
元老識君恨不早我家柱石棄憂來學丘
禱仍賜御札曰朕詩集中欲得見卿唱和
詩故令示此卿疾未差可他日進來御札
及門而度薨

帝聽政暇博覽群書一日延英顧問宰相詩
云呦呦鹿鳴食野之苹萃萃是何草時宰相
楊珣楊嗣復陳夷行相顧未對珣曰臣按

爾雅苹是藟蕭上曰朕看毛詩䟽葉圓而
花白叢生野中似非藟蕭

又一日問宰臣古詩云輕衫襯跳脫跳脫是
何物宰臣未對上曰即今之腕釧也真誥
言安妃有斲粟金跳脫是臂飾

嘗吟杜甫曲江篇云江頭宮殿瑣千門細柳
新蒲爲誰綠乃知天寶以前樓臺之盛鄭
注乃命神策軍淘曲江昆明二池許公卿
立亭館兩軍造紫雲樓彩霞亭內出樓額

賜之

宣宗

帝好進士及第每對朝臣問及苟有科名對
者必大喜便問所試詩賦題目拜主司姓
名或佳人物偶不中第必歎惜移時嘗於
內自題鄉貢進士李道龍白居易之死帝
以詩吊之曰綴玉聯珠六十年誰教冥路
作詩仙浮雲不繫名居易造化無爲字樂
天童子解吟長恨曲胡兒能唱琵琶篇文

章已滿行人耳一度思卿一愴然帝製秦
邊陲曲其詞曰海岳咸通及帝垂拱而年
號咸通焉庶子裴憚進詩賀聖政有大康
字帝怒曰太康失邦乃以比我戶部韋渙
奏云晉平吳寇改號太康雖有失邦之言
乃見歸美之文上曰天子大須博覽不然
幾錯憚罪

舊制盛春內殿賜宴三日帝妙音律每先裁
製新曲俾禁中女伶迭相教授至是出宮

女數百分行連袂而歌其曲有曰播皇猷
者率高冠方履褒衣博帶趨走俯仰皆合
規矩于于然有唐堯之風焉有曰蔥女蹕
歌隊者率言蔥嶺之士樂河湟故地歸國
復爲唐民也若霓裳曲者皆執節幡被羽
服態度凝碧飄飄然有翔雲舞鶴見左右
如是數十曲流傳民間

出令狐澄
正陵遺事

昭宗

陝府唐昭宗有詩云安得有英雄迎歸大內

中或曰逍遙樓有太宗詩云昔乘匹馬去
今驅萬乘來志意不侔矣

武后

天授二年臘卿相欲詐稱花發請幸上苑有
所謀也許之尋疑有異圖先使先宣詔曰
明朝遊上苑火急報春知花須連夜發莫
待曉風吹於是凌晨名花布苑羣臣咸服
其異后託術以移唐祚此皆妖妄不足信
也凡太后之詩文皆元萬頃崔融輩爲之

萬歲通天元年鑄九鼎成置于東都明堂之
庭后自製曳鼎歌令曳鼎者唱和開元二
年太子賓客薛諶先獻東都九鼎銘其蔡
州鼎銘武后所製文曰犧農首出軒昊應
期唐虞繼踵湯禹乘時天下光宅域內雍
熙上玄降靈方建隆基紫薇令姚崇奏曰
聖人啓運休兆必彰請宣付史館

明皇御
名已兆

此於

徐賢妃

貞觀二十三年上疏諫太宗息兵罷後其畧
曰大業者易驕願陛下難之善始者難終
願陛下易之又曰漆器非延叛之方桀造
之而人叛玉杯豈招亡之術紂用之而國
亡侈麗之源不可不遏作法於儉猶恐其
奢作法於奢何以制後

上官昭容

張說作昭容文集序云古者有女史記功書
過有女尚書決事宮闈昭容兩朝專美一

日萬機顧問不遺應接如響雖漢稱班媛
晉譽左嬪文章之道不殊輔佐之功則異
迹秘九天之上身沒重泉之下嘉猷令範
代罕得聞庶幾後學嗚呼可仰然則大君
據四海之圖懸百靈之命喜則九圍挾纊
怒則千里流血靜則黔黎乂安動則蒼旻
罷弊入耳之語諒其難乎貴而勢大者疑
賤而禮絕者隔近而言輕者忽遠而意忠
者忤惟窈窕柔曼誘掖善心忘味九德之

衢傾情六藝之圃故登崑巡海之音寢剪
胡刈越之威息璿臺珍服之態消從禽嗜
樂之端廢獨使溫柔之教漸於生人風雅
之聲流於來葉非夫元黃毓粹止明助思
衆妙扶識羣靈挾志誕異人之寶授興王
之瑞其孰能臻斯懿乎鎮國太平公主道
高帝妹才重天人昔嘗共游東壁同宴北
海倏來忽往物在人亡憫雕瑄之殘言悲
素扇之空曲上聞天子求椒房之故事有

命史臣叙蘭臺之新集

中宗正月晦日幸昆明池賦詩群臣應制百
餘篇帳殿前結綵樓命昭容選一篇爲新
翻御製曲從臣悉集其下須臾紙落如飛
各認其名而懷之旣退惟沈宋二詩不下
移時一紙飛陸競取而觀乃沈詩也及聞
其評曰二詩工力悉敵沈詩落句云微臣
雕朽質羞覩豫章才蓋詞氣已竭宋詩云
不愁明月盡自有夜珠來猶涉徒舉沈乃

伏不敢復爭宋之問詩曰春豫靈池近滄
波帳殿開舟凌石鯨動槎拂斗牛回節晦
奠全落春遲柳暗催象溟看浴景燒劫辨
沉灰鎬飲周文樂汾歌漢武才不愁明月
盡自有夜珠來昭容名婉兒西臺侍郎儀
之孫父廷芝與儀死武后時母鄭方姪夢
巨人界大秤曰持此稱量天下昭容生踰
月母戲曰稱量者豈汝耶輒啞然應之曰
秉機政符其夢云自通天以來內掌詔命

中宗立進拜昭容帝引名儒賜宴賦詩婉
兒常代帝及后長寧安樂二公主衆篇並
作而采麗益新又差第群臣所賦賜金爵
故朝廷靡然成風當時屬詞大抵浮靡然
皆有可觀昭容力也韋后之敗斬關下

孔紹安

大業末爲監察御史高祖爲隋討賊河東紹
安監其軍深見接遇高祖受禪紹安自洛
陽間行來奔高祖大悅拜內史舍人時夏

侯端亦嘗爲御史元來歸紹安授秘書監
因侍宴詠石榴有祗爲時來晚開花不見
春之句武德中令狐德棻欲補正歷代史
詔各差官主修一代紹安以中書舍人與
崔善爲蕭德言主梁多歷年不能就皆罷
之紹安在隋時與孫萬壽以文辭稱時謂
孔孫

虞世南

顏師古隋朝遺事載洛陽獻合蒂迎輦花煬

帝令袁寶兒持之號司花女時詔世南草
征遼指揮德音敕於帝側寶兒注視久之
帝曰昔傳飛燕可掌上舞今得寶兒方昭
前事然多憨態今注目於卿卿才人可便
嘲之世南爲絕句曰學畫鴉黃半未成垂
肩嬋袖太憨生綠憨却得君王惜長把花
枝傍輦行

魏徵

太宗在洛陽宮幸積翠池宴酣各賦一事帝

賦尚書曰日昃斲百篇臨燈披五典夏康
既逸豫商辛亦荒酒恣情昏主多克已明
君鮮滅身資累惡成名由積善徵賦西漢
曰受降臨軹道爭長趣鴻門驅傳渭橋上
觀兵細柳屯夜宴經柏谷朝遊出社原終
藉叔孫禮方知皇帝尊帝曰徵言未嘗不
約我以禮

李百藥

百藥七歲能屬文齊中書舍人陸乂嘗過其
父德林有說徐陵文者云藉琅琊之稻
客並不識其事百藥進曰傳稱邠人藉稻
注云邠國在琅琊開陽縣人皆驚喜曰此
兒即神童百藥幼多病祖母以百藥爲名
名臣之子才行相繼四海名流莫不宗仰
藻思沉鬱尤長五言雖樵童牧子亦皆吟
諷及懸車告老怡然自得穿池鑿山文酒
譚詠以盡平生之志年八十五先是和太
宗帝京篇手詔曰卿何身之老而才之壯

齒之宿而意之新乎予安期永徽末遷中書舍人自德林至安期三代掌制誥孫義仲又爲中書舍人

長孫無忌

無忌朝歐陽詢形狀猥陋云聳膊成山字埋肩畏出頭誰令麟閣上畫此一獼猴詢應聲曰索頭連背煖漫褻畏肚寒抵緣心渾渾所以面團團太宗笑曰詢殊不畏皇后耶

王勃

太宗嘗謂唐儉酒杯流行發言可喜是時天下初定君臣俱欲無爲酒杯善謔理亦有之高宗雖不君然亦深察事機當時諸王鬪雞王勃在沛王府戲爲文檄英王帝見之大怒曰此殆交鬪之漸即日竄勃以太宗之賢杯酒一時之樂何足爲後世戒及其弊也中宗詔群臣曰天下無事欲與羣臣共樂於是迴波艷辭妖冶之舞作於文

字之臣而緇紀蕩然矣。創業之難也。一觴一詠。足以肇亂。况甚焉者哉。

馬周

凌朝浮江旅思詩云。太清初上日。春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣四愁。

李義府

義府初遇以李大亮劉洎之薦。太宗召令詠。烏義府曰。日裏颺朝彩。琴中聞夜啼。上林

如許樹。不借一枝棲。帝曰。與卿全樹。何止一枝。

杜淹

杜淹始見袁天綱於洛。天綱謂曰。蘭臺成。就學堂廣寬。又曰。二十年外。終恐責黜。暫去。即還。武德六年。以善隱太子。俱配流。雋州。淹至益州。見天綱曰。洛邑之言。何其神也。天綱曰。不父。即回。至九年六月。召入。天綱曰。杜公至京師。即得三品要職。淹至京拜。

御史大夫檢校吏部尚書贈天網詩曰伊
呂深可慕松喬定是虛繁風終不得脫徒
欲安如且珍紉素美當與薜蘿踈旣逢楊
得意非復久閒居

蘇味道

趙州蘓味道與里人李嶠號蘓李武后朝為
相世號模稜手上元云火樹銀花合星橋
鐵鎖開暗塵隨馬去明月逐人來游妓皆
穠李行歌盡落梅金吾不禁夜玉漏莫相

催

駱賓王

世稱王楊盧駱楊盈川之為文好以古人姓
名連用如張平子之畧談陸士衡之所記
潘安仁宜其陋矣仲長統何足知之號為
點鬼簿賓王文好以數對如秦地重關一
百二漢家離宮三十六號為筭博士帝京
篇曰倏忽搏風生羽翼須臾失浪委泥沙
賓王後與徐敬業興兵揚州大敗逃死此

其識也

陳子昂

獨異記載子昂初入京不為人知有賣胡琴者價百萬豪貴傳視無辯者子昂突出顧左右以千緡市之衆驚問答曰余善此樂皆曰可得聞乎曰明日可集宣陽里如期偕往則酒肴畢具置胡琴於前食畢捧琴語曰蜀人陳子昂有文百軸馳走京轂碌碌塵土不為人知此樂賤工之役豈宜留

心舉而碎之以其文軸遍贈會者一日之內聲華溢都時武攸宜爲建安王辟爲書記

李日知

鄭州李日知景龍初爲相初安樂公主館第成中宗臨幸燕從官賦詩日知卒章曰所願但知居者樂無使時稱作者勞獨以規戒睿宗他日謂曰向時雖朕亦不敢諫非卿亮直何能爾即拜侍郎

李景伯

中宗宰相懷遠之子李景伯景龍初為諫議大夫中宗宴侍臣酒酣各命為迴波辭景伯獨為箴規帝不悅蕭至忠曰真諫官也迴波辭曰迴波爾時酒卮微臣職在箴規侍燕既過三爵誼譁切恐非儀

崔融

父視元年改控鶴府為奉宸府張易之為奉宸令引詞人為供奉佞者奏云昌宗王子

晉後身令被羽衣吹簫乘木鶴奏樂於庭融賦詩為絕唱有昔遇浮丘伯今同丁令威中郎才貌是藏史姓名非之句後與宰相蘓味道相謂云融詩所以不及相公無銀花合蘓有詩云火樹銀花合味道云子詩雖無銀花合還有金銅丁取令威之句也

李適

初中宗景龍二年始於修文館置大學士四

員學士八員直學士十二員象四時八節
十二月於是李嶠宗楚客趙彥昭韋嗣立
爲大學士李適劉憲崔湜鄭愔盧藏用李
又岑羲劉子玄爲學士薛稷馬懷素宋之
問武平一杜審言沈佺期閻朝隱爲直學
士又召徐堅韋元旦徐彥伯劉允濟等滿
員其後被選者不一凡天子饗會游豫惟
宰相直學士得從奉幸梨園並渭水祓除
則賜柳圈辟癘夏宴蒲萄園賜朱櫻秋登

慈恩浮圖獻菊花酒稱壽冬幸新豐歷白
鹿觀登驪山賜浴湯池給香粉蘭澤從行
給翔麟馬品官黃衣各一帝有所感即賦
詩學士皆屬和當時人所欽慕然皆狎猥
佻佞忘君臣禮法惟以文華取幸若韋元
旦劉允濟沈佺期宋之問閻朝隱等無他
稱景龍二年七月七夕御兩儀殿賦詩李
嶠獻詩云誰言七襄詠流入五絃歌是日李行
言唱步九月幸慈恩寺塔上官氏獻詩羣
虛歌

臣並賦閏九月幸總持登浮圖李嶠等獻
詩十月三日幸三會寺十一月十五日中
宗誕辰內殿連向為柏梁體二十一日安
樂公主出降武延秀是月以婕妤上官為
昭容十二月六日上幸薦福寺鄭愔詩先
成舊邸三乘宋之問後進駕象法三立春
侍宴賦詩二十一日幸臨渭亭李嶠等應
制三十日幸長安故城十二月晦諸學士
入閣守歲以皇后乳母戲適御史大夫竇

從一

往來具家遂
有國參之號

三年元日清暉閣登高

遇雪宗楚客詩云蓬萊雪作山是也因賜

金綵人勝李嶠等七言詩

千鍾聖酒是日
御筵披是

甚歡上令學士遞起屢舞至沈佺期賦迴

波有齒錄牙緋之語晦日幸昆明池宋之

問詩自有夜珠來之句至今傳之二月八

日送沙門元奘等歸荊州李嶠等賦詩十

一日幸太平公主南莊七月幸望春宮送

朔方節度張仁亶赴軍八月三日幸安樂

公主西莊九月九日幸臨渭亭分韻賦詩

韋安石 十一月一日安樂公主入新宅賦

詩十五日中宗誕辰長寧公主滿月李嶠

詩神龍見像日仙鳳養雛年是也二十三

日南郊徐彥伯上南郊賦十二月十二日

幸溫泉宮敕蒲州刺史徐彥伯入仗同學

士例因與武平一等五人獻詩上官昭容

獻七言絕句三首十四日幸韋嗣立莊拜

嗣立逍遙公名其居曰清虛原幽棲谷十

五日幸白鹿觀十八日遊秦始皇陵四年

正月朔賜群臣栢樹五日宴蓬萊宮吐蕃

使因為栢梁體吐蕃舍人亦賦七日重宴大明殿

賜綵綵人勝又觀打球八日立春賜綵花

二十九日晦幸漣水二月一日送金城公

主三日幸司農少卿王光輔莊是夕岑羲

設茗飲討論經史武平一論春秋崔日用

請壯面日用贈武平一歌曰彼名流兮左

氏癖意玄遠兮冠令夕二十一日張直至

自朔方宴于桃花園賦七言詩明日宴承
慶殿李嶠桃花園詞因號桃行三月一日
清明幸梨園命侍臣爲板河之戲三日上
巳袂褱於渭濱賦七言詩賜細柳圈八日
令學士尋勝同宴於禮部尚書竇希琳亭
賦詩張說爲之序十一日宴於昭容之別
院二十七日李嶠入都祔廟徐彥伯等餞
之賦詩四月一日幸長寧公主莊六月幸
興慶池觀競度之戲其日過希琳宅學士

賦詩二十九日御宴祝欽明爲八風舞諸
學士曰祝公斯舉五經掃地盡矣睿宗時
道士司馬承禎還天台造贈詩詞甚美朝
士屬和三百餘人徐彥伯編爲白雲記

徐彥伯

徐彥伯爲文多變易求新以鳳閣爲鶴閣龍
門爲虬戶金谷爲銑溪玉山爲瓊岳竹馬
爲篠驂月兔爲魄兔進士效之謂之澁體

李嶠

皮日休松窓錄云中宗嘗召宰相蘓瓌李嶠之子進見時皆同年帝謂曰汝等各以所通書取宜奏者為吾言之題應曰木從繩則正后從諫則聖嶠之子亡其名亦奏曰斯朝涉之脛剖賢人之心帝曰蘓瓌有子李嶠無後

蘓題

長安盛春遊題製詩云飛埃結紅霧遊蓋飄青雲明皇嘉賞以御花親插其中上時榮

之。

沈佺期

張燕公說嘗謂佺期曰沈三兄詩須還他第一佺期字雲卿相州人除給事中考功郎受贓劾未究會張易之敗遂長流驩州稍遷台州錄事參軍入計召見拜起居郎無修文直學士侍宴為弄辭悅帝賜牙緋尋為太子詹事開元初卒佺期迴波爾時佺期源向嶺外生歸身名已蒙齒錄袍笏未復牙緋

魏建安後訖江左詩律屢變至沈約庾信以音韻相婉附屬對精密及宋之問沈佺期又加靡麗回忌聲病約句準篇如錦繡成文學者宗之號爲沈宋語曰蘓李居前沈宋比肩謂蘓武李陵也

李行言

景龍中中宗引近臣宴集令各獻伎爲樂張錫爲談客娘舞宗晉卿舞渾脫張浴舞黃顰杜元琰誦婆羅門呪行言唱駕車西河

盧藏用效道士上章國子司業郭由憚請誦古詩兩篇誦鹿鳴蟋蟀未畢李嶠以詩有好樂無荒之語止之行言隴西人無文學幹事函谷關詩爲時人所許中宗時爲給事中能唱步虛歌帝七月七日御兩儀殿會宴帝命爲之行言於御前長跪作三洞道士青詞歌曲貌偉聲暢上頻嘆美

張元一

武后朝左司郎中張元一善滑稽時西戎犯

邊武懿宗統兵禦之至邠畏懦而遜元一
朝曰長弓短度箭蜀馬臨高驕去賊七百
里隈墻獨自戰忽相逢着賊騎猪向南竄
則天未晚曰懿宗無馬耶元一曰騎猪夾
豕也則天大笑后嘗問元一外有何事曰
有三慶旱而雨洛橋成郭洪霸死

洪霸酷吏也

劉希夷

劉希夷一名庭之汝州人少有文華好為宮
體詩詞旨悲苦不為時人所重善彈琵琶

嘗為白頭翁詠云今年花落顏色改明年
花開復誰在既而自悔曰我此詩識與石
崇白首同所歸何異乃更作一聯云年年
歲歲花相似歲歲年年人不同既而又嘆
曰此句復仍似向識矣然死生有命豈復
由此即兩存之詩成未周歲為奸人所殺
或云宋之問害之後孫翌撰正聲集以希
夷詩為集中之最由是大為人所稱

或云之問

害希夷而以洛陽之作至今載此篇在之問集中

張敬忠

先天中王主敬為侍御史自以才望華妙當入省臺前行忽除膳部員外郎微有悵惋吏部郎中張敬忠戲詠曰有意嫌兵部專心望考功誰知腳踏蹬幾落省墻東蓋膳部在省最東北隅也

張說

張說謫岳州常鬱鬱不樂時宰相以說機辯才畧互相排擯蘓頲方大用說與瓌善說

因為五君詠致書封其詩以貽頲誠其使曰當候忌日近暮送之使者近暮至吊客多說先公僚舊頲覽詩嗚咽流涕翌日上對大陳說忠正蹇諤人望所屬不宜淪滯遐方上因降璽書勞問俄遷荊州長史由是陸象先韋嗣立張庭珪賈曾皆以譴逐歲父因加甄叙頲以父之執友事之甚謹王冷然上燕公書云詩云投我以木瓜報之以瓊琚此言雖小可以喻大相公五君詠

曰淒涼丞相府餘慶在元城蘓公一聞此
詩移公於荆府積漸至相由蘓得也今蘓
屈居益部公坐廟堂投木報瓊義將安在
亦可舉蘓以自代然後為朔方之行冷然
書又曰相公岳陽樓送別詩云誰念三千
里江潭一老翁今日忘往日之樓遲貪暮
年之富貴可乎

宋璟

劉禹錫獻權舍人書曰昔宋廣平之沉下僚

也蘓公味道時為繡衣直指使者廣平投
以毒花賦蘓盛稱之自是方列於聞人之
目名遂振嗚呼以廣平之才未為是賦則
蘓公未暇知其人耶將廣平困於窮阨於
躓然後為是文耶是知英賢卓犖可外文
字然猶用片言借說於先達之口席其勢
而後驤首當時矧碌碌者疇能自異

王灣

王灣登先天進士第開元初為滎陽主簿馬

懷素欲校正羣籍。灣在選中各部撰次。後
爲洛陽尉商璠云。灣詞翰早著。爲天下所
稱。最者不過一二遊吳中。江南意云海日
生。殘夜江春入。舊年詩人以來無聞此句。
張公居相府。手題於政事堂。每示能文令
爲楷式。又擣衣篇云。月華照杵空。悲妾風
響傳。砧不見。君所有。衆製題咸若斯。非張
蔡輩之未見。覺顏謝之彌遠乎。江南意云
南國多新意。東行伺早天。潮平兩岸失。風
正一帆懸。海日生殘夜。江春入舊年。從來
觀氣象。唯向此中偏。

姚崇

口箴云。君子欲訥。吉人寡辭。利口作戒。長舌
爲詩。斯言不善。千里違之。勿謂可復。駟馬
難追。惟靜惟默。澄神之極。去甚去泰。居物
之外。多言多失。多事多害。聲繁則淫。音希
則大。室本無暗。垣亦有耳。何言者天。成蹊
者李。似不能言。爲世所尊。言不出口。冠時

之首無掉爾舌。以速爾咎。無易爾言。亦孔之醜。欽之謹之。可大可久。欽之伊何。三命而走。謹之伊何。三緘其口。勉哉夫子。行矣。勉旃。書之屋壁。以代韋弦。

李德裕舌箴序曰。余宿于洞庭西夢。與中書令姚公偶坐。如舊相識。問余曰。君見僕所作口箴乎。余對曰。去歲居守東。聞於公會。孫諫議邵處觀金石之刻。遂筦爾而笑曰。孫子猶能藏之。又曰。余感姚公之夢。乃爲

舌箴云

趙仁獎

令乘驄馬去。丞脫繡衣來。仁獎送上蔡令潘好禮拜御史詩也。或疑其假手。蓋仁獎在王戎墓側善歌。黃麀景龍中負薪詣闕云。助國調鼎。即除臺官。中書令姚崇曰。此是黃麀耶。授以當州一尉。惟以黃麀自銜。宋務光嘲之曰。趙仁獎出。王戎墓下入朱博臺中。捨彼負薪。登茲列栢。行人不避驄馬。

坐客惟聽黃鵬忽一夫負兩束薪曰此合
拜殿中人問其由曰趙以一束拜監察此
兩束合授殿中

金昌緒

春怨詩云打却黃鸝兒莫教枝上啼幾回驚
妾夢不得到遼西

顧陶取此詩
為唐類詩

張九齡

九齡在相位有蹇諤匪躬之誠明皇既在位
久稍怠庶政每見帝極言得失林甫時方

同列陰欲中之將加朔方節度使牛仙客
實封九齡稱其不可甚不叶帝旨他日林
甫請見屢陳九齡頗懷誹謗于時方秋帝
命高力士持白羽扇以賜將寄意焉九齡
惶恐因作賦以獻又為燕詩以貽林甫曰
海燕何微眇乘春亦暫來豈知泥濘濺只
見玉堂開繡戶時雙入華軒日幾回無心
與物競鷹隼莫相猜林甫覽之知其必退
恚怒稍解

王維

集異記載王維未冠文章得名妙能琵琶春
之一日岐公引至公主第使爲伶人進主
前維進新曲號鬱輪袍并出所作主大奇
之令宮婢傳教遂召試官至第諭之作解
頭登第

祿山之亂李龜年奔放江潭曾於湘中採訪
使筵上唱云紅豆生南國秋來發幾枝贈
君多採擷此物最相思又秋風明月苦相

思蕩子從戎十載餘征人去日慙慙囑歸
鴈來時數附書此皆王維所製而梨園唱
焉

王維年十七時九日憶山東弟兄云獨坐異
鄉爲異客每逢佳節倍思親遙知兄弟登
高處遍插茱萸少一人祿山大會凝碧池
梨園弟子歎歔泣下樂工雷海清擲樂器
西向大慟賊支解於試馬殿維時拘於菩
提寺有詩曰萬戶傷心生野烟百僚何日

更朝天秋槐落葉深宮裏凝碧池頭奏管
絃後有罪以此詩獲免寧王憲貴盛寵妓
數十人有賣餅之妻纖白明媚王一見屬
意因厚遺其夫求之寵愛逾等歲餘因問
曰汝復憶餅師否使見之其妻注視雙淚
垂頰若不勝情時王坐客十餘人皆當時
文士無不悽異王命賦詩維先成云莫以
今時寵難忘異日恩看花滿眼淚不共楚
王言坐客無敢繼者王乃歸餅師以終其

志

出本
事詩

或說維詠終南山詩譏時也詩曰太一近天
都連山接海隅言勢焰盤據朝野也白雲
回望合青靄入看無言徒有其表也分野
中峰變晴陰衆壑殊言息澤偏也故人投
宿處隔水問樵夫畏禍深也

商璠云維詩辭秀調雅意新理愜在泉爲珠
着壁成繪一字一句皆出常境至如落日
山水好漾舟信歸風又澗芳襲人衣山月

映石壁又天寒遠山靜日暮長河急又賤
日豈殊衆貴來方悟稀又日暮沙漠陞戰
聲烟塵裏詎肯慚於古人也

王縉

王縉九月九日作云莫將邊地比京都八月
嚴霜草已枯今日登高樽酒裏不知能有
菊花無

賀知章

賀知章年八十六卧病冥然無知疾損上表

乞爲道士還鄉明皇許之捨宅爲觀賜名
千秋命其男曾子會稽郡司馬賜鑑湖剡

川一曲

元乞官湖一曲爲放生池因賜剡川一曲

詔令供帳東

門百僚祖餞御製送詩并序云天寶三年

太子賓客賀知章鑿止足之分抗歸老之

疏解組辭榮志期入道朕以其年在遲暮

用循掛冠之事俾遂赤松之遊正月五日

將歸會稽遂餞東路乃命六卿庶尹大夫

供帳青門寵行邁也豈惟崇德尚齒抑亦

勵俗勸人無令二疏獨光漢冊乃賦詩贈
行詩云遺榮期入道辭老竟抽簪豈不惜
賢達其如高尚心環中得秘要方外散幽
襟獨有青門餞羣英悵別深又云筵開百
壺餞招許二疏歸仙記題金籙朝章換羽
衣悄然承睿藻行路滿光輝

李嘉祐

送王收往吉州謁王使君云細草綠汀洲王
孫奈薄遊年華初冠帶文體舊弓裘野渡

花爭發春塘水亂流使君矜小阮應念倚
門愁

仲夏江陰官舍寄裴明府云萬里邊江次孤
城對海安朝霞晴作雨濕氣曉生寒苔色
侵衣析潮痕上井欄題書招茂宰思爾欲
辭官

高武云嘉祐袁州人振藻天朝大收芳譽中
興高流也與錢郎別爲一體徃徃涉於齊
梁綺美婉麗蓋吳筠何遜之敵也至於野

渡花爭發春塘水亂流朝霞暗作雨濕氣
晚生寒文華之冠冕也又禪心超忍辱楚
語問多羅設使許詢更生孫綽復出窮思
極筆未到此境

張均

均丞相說之子也說最鍾愛其情見於岳州
別均之詩說爲丞相知官考均時任中書
舍人特注之曰父教子忠古之善訓祁奚
舉午義不務私至於潤色王言彰施帝載

道參墳典例絕功常恭聞前烈光難其任
豈以嫌疑敢撓綱紀考上下均能文為大
理卿祿山盜國爲僞中書令免死流合浦

王諲

除夜云今歲今宵盡明年明日催寒隨一夜
去春逐五更來氣色空中改容顏暗裏回
風光人不覺已著後園梅

孟浩然

皮日休孟亭記云明皇世章句之風大得建

安體論者推李翰林杜工部爲尤介其間
能不愧者惟吾鄉之孟先生也先生之作
遇景入詠不鉤竒抉異令齟齬束人口者
涵涵然有干霄之興若公輸氏當巧而不
巧者也北齊美蕭愨芙蓉露下落揚柳月
中踈先生則微雲澹河漢踈雨滴梧桐樂
府美王融日霽沙嶼明風動甘泉燭先生
則有氣蒸雲夢澤波動岳陽城謝朓之詩
句精者有露濕寒塘草月映清淮流先生
則有荷風送香氣竹露滴清響此與古人
爭勝於毫釐間也

建德江宿云移舟泊烟渚日暮客愁新野曠
天低樹江清月近人

陶峴

陶峴彭澤之孫也開元末家崑山泛遊江湖
自制三舟與孟彥深孟雲卿焦遂共載吳
越之士號爲水仙省親南海獲崑崙奴名
摩訶善泅水至西塞山下泊舟吉祥佛寺

見江水深黑。謂必有怪物。投劍命摩訶。下
取父之支。體磔裂。浮於水上。峴流涕。廻棹
賦詩自叙。不復遊江湖矣。詩云。匡廬舊業
是誰主。吳越新居安。此生白髮數。莖歸未
得青山。一望計還成。鴉翻楓葉。夕陽動。鷺
立蘆花。秋水明。從此捨舟。何所詣。酒旗歌
扇。正相迎。

王昌齡

昌齡字少伯。江寧人。中第。補校書郎。又中博

學宏詞科。遷汜水尉。不護細行。世亂還鄉。
里爲刺史。閭丘曉所殺。王詩縝而思清。時
謂王江寧。

奉帚平明。金殿開。且將團扇共徘徊。玉顏不
及寒鴉色。猶帶昭陽日影來。

李清

詠石季倫云。金谷繁華石季倫。只能謀富不
謀身。當時縱與綠珠去。猶有無窮歌舞人。
清登天寶十二年進士第。

韓滉

聽樂悵然自述萬事傷心對管絃一身含淚
向春烟黃金用盡教歌舞留與他人樂少年

王之渙

出塞詩云黃沙直上白雲間一片孤城萬仞
山。羌笛何須怨楊柳春風不過玉門關。

之渙并州人與兄之咸之賁皆有文天寶間
人樂天作滁州刺史鄭昉墓誌云與王昌
齡王之渙崔國輔連唱迭和名動一時

一卷終

